

բայի միջև կատարած զուգահեռներով զննուցողը ցույց տվեց, թե տաղանդավոր կոմպոզիտորն ինչպիսի երկրորդաթիվյամբ և պոեմի ժողովրդային ոգու նուրբ զգացողությամբ է կատարել «Անուշին» երաժշտական մարմնավորում տալու գործը:

Նստաշրջանը վերստին վկայեց, թե մեր ազգային մեծ բանաստեղծը ինչպես է թափանցել հայ արվեստի ոլորտները և դա ինչպիսի հետաքրքիր ասպարեզ է արվեստաբանական ուսումնասիրության համար:

Լ. ՀԱՆՎԵՐԳՅԱՆ

ՄԱՇՏՈՑՅԱՆ ՄՐՑԱՆԱԿԻ ԱՌԱՋԻՆ ԳԼՓՆԵԿԻՐԸ

Հուլիսի 2-ին, Օշականի Մեսրոպ Մաշտոցի անվան դպրոցում գումարված ՀՍՍՀ ԳԱ նախագահության ընդլայնված նիստում, հանրապետության գիտական հասարակայնության ներկայացուցիչների և Աշտարակի շրջանի ու Օշականի մտավորականության և բնակչության ներկայությամբ, հանդիսավոր պայմաններում, տեղի ունեցավ հայագիտական լավագույն աշխատության համար սահմանված Մաշտոցյան մրցանակի հանձնումը անվանի հայագետ, ՀՍՍՀ ԳԱ թղթակից-անդամ, պատմական գիտությունների դոկտոր, պրոֆ. Լ. Ս. Խաչիկյանին:

Հիշյալ գիտական մրցանակը շնորհվում է յուրաքանչյուր հինգ տարվա ընթացքում հայագիտության բնագավառում կատարված առավել ուշագրավ ու ծանրակշիռ աշխատության համար:

Այս առումով ևլ դժվարին և պատասխանատու խնդիր էր դրված ՀՍՍՀ ԳԱ հասարակագիտական բաժանմունքի բյուրոյի առաջ, ներկայացված մի քանի, իրենց նշանակությամբ մեկը մյուսին չզիջող, գործերից ընտրելու առավել կարևորն ու հայագիտության մեջ խոշոր ներդրում հանդիսացող աշխատությունը: Չայնների մեծամասնության կենտրոնացումը Լ. Ս. Խաչիկյանի «ԺՆ դարի հայերեն ձեռագրերի հիշատակարաններ» եռափետր աշխատության ոգտին, գալիս է վկայելու, որ ԳԱ հասարակագիտական գիտությունների բաժանմունքը ըստ արժանվույն է զնահատել սովետահայ պատմագրության վերջին տարիների կարևոր նվաճումներից մեկը հանդիսացող այդ մեծարժեք աղբյուրագիտական աշխատությունը, և պատահական չէ, որ զնահատականը հավանության արժանացավ մեր հանրապետության գիտական հասարակայնության և ընդհանուր հայագիտական շրջանակների կողմից:

Ձեռագիր հիշատակարանների հավաքման և դրանց բնագրերի գիտական հրապարակման գործով Լ. Ս. Խաչիկյանը զբաղվել է շուրջ երկու տասնամյակ: Տարիների համառ ու քրտնաջան բնագրագիտական աշխատանքների առաջին արգասիքը 1950 թ. լույս տեսած «ԺՆ դարի հայերեն ձեռագրերի հիշատակարաններ» սովոր հատորն էր, որից հետո նա անմիջապես ձեռնամուխ եղավ առավել կարևոր աղբյուրագիտական նշանակություն ունեցող ԺՆ դարի հիշատակարանների հավաքման մեծ ու դժվարին գործին:

15-րդ դարը իրավամբ դիտված է որպես հայկական ավատատիրության եզրափակիչ դար: Ուստի հասկանալի է, որ մեր ժողովրդի վերջին հարյուրամյակների պատմական ճակատագրի սոցիալ-տնտեսական և քաղաքական նախադրյալների բացահայտման բանալին պետք է փնտրել այն բախտորոշ իրադարձությունների և քաղաքական վայրիվերումների մեջ, որոնք եկան վերափոխելու երկրի սոցիալ-քաղաքական ու էթնիկական պատկերը և որոնց շնորհիվ հայ աշխարհիկ ավատատիրական դաւը դուրս մղվեց ասպարեզից՝ որպես որոշակի քաղաքական ուժ:

Քաղաքական դժնդակ պայմանների և տնտեսական ու մշակութային կյանքում առաջացած ծանր, անկումային վիճակի հետևանքով վրա հասած հայ պատմագրության գրեթե ամուլ այս շրջանում, ձեռագրաց հիշատակարանները աղբյուրագիտական բացառիկ արժեք են ստանում: Այս իրողության գիտական խորը հավաստումը տվեց Լ. Խաչիկյանը իր եռահատոր հրապարակումներին առընթեր կատարած ընդարձակ ու բազմակողմանի ուսումնասիրությամբ: Շարադրվեց հայ ժողովրդի ամենամութ և միաժամանակ ամենասակավ ուսումնասիրված շրջանի պատմությունը, որը կայուն հիմք է հանդիսանում հետագա դարերի պատմության մի շարք բարդ ու հանգուցային հարցերի լուսաբանման համար: Կատարված է պատմության այդ ժամանակահատվածի սպառիչ ուսումնասիրությունը: Գիտական շրջանառության մեջ են դրված եզակի արժեք ներկայացնող միանգամայն նոր նյութեր, որոնց աղբյուրագիտական նշանակությունը դուրս է գալիս հայագիտության սահմաններից՝ ճանաչվելով և բարձր դնահատականի արժանանալով ընդհանուր արևելագիտական շրջանակներում:

Հաճելի է նշել, որ մաշտոցյան բարձր մրցանակի առաջին դափնեկիրը՝ հեղինակն է բազմաթիվ այլ կարևոր գիտական աշխատությունների, մեր հարուստ մատենագրության հմուտ և մեզ վաղան հետազոտողն ու հայագիտական մտքի փայլուն ներկայացուցիչներից մեկը, և ավելի քան 15 տարի նրան է վստահված ձեռագրագիտական և ազգայնագիտական խոշորագույն և միջազգային հռչակ վայելող հաստատության՝ Մ. Մաշտոցի անվան Մատենադարանի տնօրինության ղեկավարը ու սլատասխանատու պաշտոնը:

Հայ գրի ու դպրության հիմնադիր անմահ Մեսրոպ Մաշտոցի անունով սրբազործված արժանի մրցանակը կոգեջնչի և ստեղծագործական նոր թափ կհաղորդի բազմավաստակ գիտնականին, նորանոր մեծարժեք աշխատություններով հարստացնելու հայագիտության զանձարանը:

Զ. ՓԱՓԱՋՅԱՆ

ԳԻՏԱԿԱՆ ՆՍՏԱՇՐՋԱՆ

1969 թ. հունիսին տեղի ունեցավ ՀՍՍՀ ԳԱ պատմության ինստիտուտի երիտասարդ գիտաշխատողների հերթական նստաշրջանը, որտեղ կարգադրվեցին մի շարք ուշադրավ գեկուցումներ: Ինստիտուտի կրտսեր գիտաշխատող Պ. Մայիլյանը իր գեկուցման մեջ անդրադարձավ Անդրկովկասում Հոկտեմբերյան սոցիալիստական մեծ հեղափոխության հաղթանակի ուշադրան պատճառների լուսարանմանը՝ սովետահայ պատմագրության մեջ:

«Հայ ժողովրդի զավակների մասնակցությունը Լենինգրադի հերոսական պաշտպանությանը 1941—1943 թվականներին» թեմայով գեկուցում կարգաց կրտսեր գիտաշխատող Մ. Մահակյանը: Նա ՍՍՀՄ պաշտպանության մինիստրության Պոզոլսկի, Լենինգրադի ռազմածովային ու պատմության ինստիտուտների Հայրենական պատերազմի պատմության արխիվներից հավաքած հարուստ նյութերի հիման վրա, ցույց տվեց, թե 1941—1943 թվականներին Լենինգրադի հերոսական պաշտպանությանը մոտավորապես որքան հայեր են մասնակցել: Ի դեպ, Մ. Մահակյանը մատնանշեց հայ մարտիկների նոր անուններ, որոնք պատերազմի առաջին իսկ տարում զոհվել էին քաղաքում:

Հայրենական մեծ պատերազմի շրջանի պատմությանն էր նվիրված նաև Լ. Հովնանյանի գեկուցումը: Նա ընդգծեց ամերիկահայ մամուլի, հատկապես («Լրաբեր» և «Հայաստանի կոչնակ») առաջադիմական թերթերի դերն ու նշանակությունը հիտլերյան զավթիչների դեմ մղված պայքարում:

1904—1917 թվականներին Ամերիկայում անգլերեն լեզվով լույս տեսնող թերթերի գործունեության լուսարանմանն էր նվիրված կրտսեր գիտաշխատող Գ. Արապյանի գեկուցումը: Ելնելով թերթերում զետեղված նյութերի զաղափարական բովանդակությունից, Գ. Արապյանը բնութագրեց այդ օրգանների քաղաքական ուղղությունը:

Ազգային-ազատագրական պայքարում Գ. Արվանձտյանի կատարած դերի մասին գեկուցեց ինստիտուտի կրտսեր գիտաշխատող Է. Կոստանդյանը: Հարուստ նյութերի հիման վրա նա հանգամանորեն մեկնարանեց խոշոր բանահավաք, հասարակական գործիչ Արվանձտյանի գործունեության նշանակությունը ազգային-ազատագրական պայքարում:

Ուշադրությամբ լսվեց ասպիրանտ Է. Դանիելյանի «Աշխարհագրական մատերիալիզմի բնագատությունը» թեմայով գեկուցումը: Դանիելյանը Լ. Մելնիկովի «Քաղաքակրթությունը և մեծ պատմական գեները» գրքի մասնակի օրինակների հիման վրա բնագատեց աշխարհագրական մատերիալիզմը: Հարցը հիմնավորված լուսարանելու նպատակով նա վկայաբերեց մարքսիզմ-Լենինիզմի կլասիկների դրույթները և ցույց տվեց աշխարհագրական միջավայրի դերն ու տեղը մարդկային հասարակության պատմության մեջ:

Ինստիտուտի կրտսեր գիտաշխատող Հ. Կարազյուզյանի գեկուցումը նվիրված էր ուրարտական արքաների կատարած հեռավոր արշավանքներին: Զեկուցողը մեկնարանեց վայրերի անունները, առաջին անգամ ստուգարանեց մի քանի տեղանուններ, նշեց Հայկական լեռնաշխարհից դուրս գտնվող այն վայրերը, որտեղ, ինչպես գեկուցողն էր ենթադրում, արշավել էին ուրարտացիները:

Հայ ժողովրդի հին շրջանի պատմության ուսումնասիրությամբ է գրադվում նաև կրտսեր գիտաշխատող Ժ. Էլչիբեկյանը: Զեկուցման համար նա ընտրել էր «Ասորիքը Հայաստանի կազմում» թեման: Երիտասարդ գիտաշխատողը վեր հանեց Սելևկյան թագավորության անկման և Տիգրան II կողմից Ասորիքի գրավման հետ կապված առանձին հարցեր, որոնք մինչ այժմ քավարար ուսումնասիրության չէին արժանացել: